

**ԵԳԻՊՏԱՀԱՅ ԳԱՂԹԱՎԱՅՐԻ ՇԻՆԱՐԱՐԱԿԱՆ
ԳՈՐԾՈՒՆԵՈՒԹՅԱՆ ՊԱՏՄՈՒԹՅՈՒՆԻՑ**

Ճարտարապետության դոկտոր Վ. Մ. ՀԱՐՈՒԹՅՈՒՆՅԱՆ

Պատմական դժվարին ձևատազրի բերումով հայ ժողովրդի ստվար հատվածներ ստիպված են եղել ցրվել աշխարհով մեկ, բնակություն հաստատելով տարբեր երկրներում: Որտեղ էլ նրանք հանգրվանել են՝ ժամանակավորապես թե տևականորեն, հաղթահարելով նյութական սուղ պայմանները, կառուցել են վարժարանների ու մանկապարտեզների, հիվանդանոցների ու ծերանոցների, ակումբների ու խմբագրությունների և բաղմազան բնույթի այլ շենքեր ու եկեղեցիներ:

Հայ գաղթավայրերում ծավալված շինարարական գործունեությունը գաղթավայրերի պատմության բաղկացուցիչ մասն է, կազմում է Ահա թե ինչու դրա մասին նյութերի հավաքումը, մշակումն ու հրատարակումը նույնպես ուշադրության արժանի գործ է¹:

Ի պատիվ եգիպտահայ գաղթավայրի գործիչների պիտի նշենք, որ Կահիրեում և Ալեքսանդրիայում մինչև 1927 թ. կատարված կառուցումների մասին նյութերը արդեն հրատարակված են²: Պատկերն ամբողջացնելու համար անհրաժեշտ էր հավաքել և հրատարակել նյութեր դրանից հետո ընկած ժամանակաշրջանում կատարված կառուցումների մասին, որը և մենք ստորև հրապարակման ենք հանձնում, առայժմ ընդգրկելով միայն Կահիրեն, այն էլ առ 1970 թ.³:

1. Հայ Մարմնամարդիկների Ընդհանուր Միության նույնպար ակումբը Հելիոպոլսում կառուցվել է 1959 թ. Հայ Բարեգործական Ընդհանուր Միության ծախսերով (որի սեփականությունն է հանդիսանում ակումբը): Նախագծի հե-

1 Ա. Գ. Աբրահամյանի «Համառոտ ուրվագիծ հայ գաղթավայրերի պատմության» (հատ. Ա, Երևան, 1964, հատ. Բ, Երևան, 1967) աշխատությունը, որն ըստ ամենայնի շնորհակալ գործ է, ցավոք, քիչ նյութեր է պարունակում գաղթավայրերի շենքերի ու նրանց կառուցողների վերաբերյալ:

2 Այդ ուղղությամբ որոշ քայլեր սկսվել են սփյուռքում: Նկատի ունենք բեյրութահայ ճարտարապետ Փասկալ Բադուանյանի «Հայկական ճարտարապետությունը սփյուռքի մեջ» հոդվածը՝ տպված «Ահեկանում» (1970, № 1—2, Բեյրութ), որը նրա ծավալուն աշխատության համառոտագրությունն է:

3 Տե՛ս «Եգիպտոսի հայոց հին և արդի եկեղեցիները և պատմություն շինության Ս. Գրիգոր Լուսավորիչ նորաշեն եկեղեցվո Գահիրեի», Գահիրե, 1927, որում թեև հիմնականում ընդգրկված են Կահիրեի և Ալեքսանդրիայի հայկական եկեղեցիները, սակայն որոշ տեղեկություններ կան նաև այլ բնույթի շենքերի (հոգևոց, դարմանատուն, վարժարան) մասին:

4 Մեր խնդրանքով նյութերը հավաքել և մեղ է տրամադրել Կահիրեի Հելիոպոլիս արվարձանի նշանավոր նույնպարյան վարժարանի երկարամյա տնօրեն ու փորձառու մանկավարժ, գաղութի ճանաչված ու ղնահատված գործիչ Տիգրան Պապիկյանը, որին մենք խորին շնորհակալություն ենք հայտնում:

դինական է ճարտարապետ Հարություն Մարգարյանը (ծնվ. 1906 թ. Կահիրեում): Ակումբն ունի սրահ և մարզադաշտ:

2. Հայ տան ութհարկանի շենքը Կահիրեի կենտրոնական Սուլիման Հալայ (նախկին Տուպրե) փողոցում, կառուցված է 1955 թ. ճարտարապետ Հրազդան Պալյանի նախագծով: Այստեղ գտնվում են «Արև» թերթի տպարանն ու խմբագրատունը, Հայ Գեղարվեստասիրաց Միության սրահը, գրադարանը և այլն:

3. Կոկանյան ակումբը Հելիոպոլսի Մենուֆ փողոցում, նույնպես վարժարանի դիմաց, կառուցվել է 1949 թ. Լևոն Կոկանյանի միջոցներով, ճարտարապետ Նույար Գևորգյանի (1888—1960) նախագծով: Ակումբն օժտված է սրահով, բեմով, գրադարանով և ընդարձակ պարտեզով:

4. Հուսարեի շենքը կառուցված է 1950 թ. Կահիրեի կենտրոնական թաղում ճարտարապետ Հայկազուն Շիրինյանի նախագծով: Մեծ շենք է, որի գետնահարկում տեղավորված են «Հուսարե» թերթի խմբագրատունն ու տպարանը, իսկ վերին երկու հարկերում՝ ընդարձակ թատերասրահ, հավաքույթների սրահները, գրադարանը և այլն:

5. Հուսարեի ակումբը Հելիոպոլսում, Բելյութ փողոցում, նույնպես վարժարանի մոտ: Երկհարկանի նորաձև շենք է՝ օժտված սրահով և բեմով: Կառուցվել է 1961 թ. Լևոն Գարազաշյանի միջոցներով ու ճարտարապետ Հայկազուն Շիրինյանի նախագծով: Սրահին կից կա մարզադաշտ, որը պատկանում է Հ. Մ. Ը. Մ. «Արարատ» մարզական միությանը:


6. Տիկնանց «Այծեմնիկ» միության Կարապետ Աբիկյան հանգստյան տունը (ծերանոցը) Հելիոպոլսում, Աբդել Համիդ աբու Հեֆ փողոցում, կառուցվել է 1960 թ. Կարապետ Աբիկյանի նվիրատվությամբ, ճարտարապետ Նույար Գևորգյանի նախագծով: Երկհարկանի շենք է 20-ից ավելի սենյակներով: Ծերանոցին կից կա պարտեզ:

7. Աբգարյան դամանատունը (հիվանդանոց) կառուցված է 1957 թ. Իրիգոր Լուսավորիչ եկեղեցու բակում, Ֆիլիպ և Արաքսի Աբգարյան ամուսինների նվիրատվությամբ ու ճարտարապետ Հրազդան Պալյանի նախագծով: այդ առթիվ արձանագրված են հետևյալ տողերը. «Աբգարեան Ազգային Դամանատունն Հայոց կառուցա. նուիրատուութեամբ առն աղքատասիրի Ֆիլիբ Աբգարեան և րարեպաշտոն Տիկնոջն Արաքսիի ի յուշ անմոռաց հանգուցեալ ծնողացն Աբգարի և Փաշայի Աբգարեան որոց զհոգիսն Տէր ի լոյս երեսաց իւրոց հանգուցէ, Ամէն: Յամի Տեառն 1957 Ապրիլ 7»:


8. Դալստյան ազգային վարժարան. սրահին շենքը Տարպ էլ Կենինա թաղում կառուցված է եղել 1854 թ. վանեցի Կարապետ Գալուստի (1802—1864) տրամադրած միջոցներով, և իր ցանկությամբ ի պատիվ պատմահայր Մովսես Խորենացու կոչվել է Խորենյան վարժարան: 1897 թ. վարժարանը վերանվանվել է Դալստյան:

Հետագա տարիներին պահանջ է զգացվում մի նոր շենքի կառուցման: Այն իրականացվում է 1907 թ. քաղաքի Մաարուֆ թաղի մեջ, Պողոս Նույարի միջոցներով: Մեկ տարի անց՝ 1908 թ. նույն հողամասում կառուցվում է նաև մանկապարտեզի շենք: Դարտարապետի անունը հալտնի չէ:

9. Նույարյան ազգային վարժարանի առաջին շենքը կառուցվել է 1924 թ. Հելիոպոլիս հայաշատ արվարձանում, Հայ բարեգործական Ընդհանուր Միու-



Նուպարյան վարժարանի ընդհանուր տեսքը



Նուպարյան վարժարանի բակը

թյան հիմնադիր Պողոս Նուպարի միջոցներով և ճարտարապետ Մարկոսովի նախագծով:

Նույն հողամասում 1959 թ. կառուցվել է վարժարանի նոր շենքը՝ Կահիրեի կրթասիրաց Ընկերության ծախսերով: Գլխավոր մուտքի վրա տեղադրված արձանադրության մեջ ասված է. «Սկիզբն իմաստութեան երկիւղ Տեառն է: Շինեցաւ Նուպարեան Ազգ. Վարժարանս Հայոց աստի Գահիրէ, Հելիոպոլիս արուարձանի առատաձեռն նուիրատուութեամբ կրթասէր ազգայնոց որ ի քաղաքս: Հիմնարկէք կրթական յարկին եղև յամի 1958 յամսեանն Մարտի ի նախագահութեան Արաբական Միացեալ Հանրապետութեան Եղիպտոս և Սուրիա Կամալ Ապտել Նասէրի: Ի Հայրապետութեան Ամենայն Հայոց Տեառն Տեառն Վաղգենայ Սրբազնագոյն Կաթողիկոսի և յԱռաջնորդութեանն Հայոց Եղիպտոսի Տեառն Մամբրէի Սրբ. Արքեպիսկոպոսի և ճարտարապետութեամբ Հրազդանայ Պալեան: Աւարտումն շինուածոյս եղև յամի Տեառն 1959 յամսեանն Ծունուարի»:

10. Անաղարտ հղության քույրերի վարժարանը կառուցվել է Հելիոպոլսում 1952—1958 թթ. ընթացքում Եղիպտոսի հայ կաթողիկական պատրիարքարանի նախաձեռնությամբ ու միջոցներով, ճարտարապետ Հրազդան Պալյանի նախագծով:

11. Մխիթարյան վարժարանը հիմնադրված է Վիեննայի Մխիթարյան միաբանության կողմից 1935 թ. Կահիրեի Տարսի էլ Կենինա թաղում: Նախագծի հեղինակն է ճարտարապետ Կարո Պալյանը: Նույն դպրոցի համար մի նոր շենք է կառուցվել 1959—1960 թթ. Հելիոպոլսում, տիկ. Արաքսի Ամբարյանի միջոցներով ու ճարտարապետ Հրազդան Պալյանի նախագծով: Աշակերտության թվի նվազման պատճառով վարժարանը դադարեցնում է իր գործունեությունը և 1964 թ. շենքը տրամադրվում է դպրոցի կաթողիկական պատրիարքարանին:

Բացի վերոհիշյալ խոշոր շենքերից, կառուցվել են նաև Գրիգոր Լուսավորչի եկեղեցին (գտնվում է Ռամզես պողոտայում, ավարտվել է 1928 թ.: Կառուցվել է ռուսական փոխ-հյուպատոս Գրիգոր Եղիայանի միջոցներով, նախագծի հեղինակն է ճարտարապետ Լևոն Նաֆիլյանը), Հայոց Առաջնորդարանը (կառուցված է 1929 թ., եկեղեցու բակի մեջ, Տիգրան Ապրո Բագրատունու և Պողոս Նուպարի միջոցներով, նախագծի հեղինակն է ճարտարապետ Արամ Անդրանիկյանը, Առաջնորդարանի շենքում տեղավորված է նաև Թորգոմյան մատենադարանը, որի դրքերի ու պարբերականների թիվը շուրջ 7000 կտորի է հասնում), ս. Մինաս եկեղեցու (մատուռի) շենքը (գտնվում է հայկական ս. Մինաս կամ Մար-Մինա գերեզմանատան մեջ, Հին Կահիրե թաղում, կառուցված է 1843 թ.), Ամենայն սրբոց եկեղեցին (կառուցված է Հելիոպոլիս արվարձանի մոտ, Զարեհ Սագայանի նվիրատվությամբ և ճարտարապետ Հայկազուն Շիրինյանի նախագծով 1953 թ.), Հայ կաթողիկե Ավետման եկեղեցին (կառուցված է 1926 թ., համայնքի և Առաջնորդարանի միջոցներով, ճարտարապետ Կարո Պալյանի նախագծով, գտնվում է Կահիրեի գլխավոր փողոցներից մեկում, Առաջնորդարանը կից է եկեղեցուն), Հելիոպոլսի հայ կաթողիկական ս. Թերեզա եկեղեցին (կառուցված է 1930 թ. ճարտարապետ Կարո Պալյանի նախագծով) և Հայ ավետարանական ժողովրդական եկեղեցին (կառուցվել է 1955 թ. Վիկտորյա Զադրճյանի միջոցներով ու ճարտարապետ Հայկազուն Շիրինյանի նախագծով):

* * *

Եզդիպատոսի հայկական գաղթավայրի շինարարական դործունեության մասին վերը բերված համառոտ տեղեկությունները կուղենայինք լրացնել Եզդիպատոսում դործած առավել նշանավոր հայ ճարտարապետներ Կարո Պալյանի և նրա որդի Հրազդանի ստեղծագործական կենսագրությամբ⁵:


Ճարտարապետ Կարո Պալյանը (1878—1960) ծնվել է Կ. Պոլսում: Նրա հայրը՝ կեսարացի Պալի Պալյանը (1835—1911), բանդակագործ էր ու ճարտարապետ (առանց մասնագիտական կրթության): Կարո Պալյանն իր միջնակարգ կրթությունն ստանում է Կ. Պոլսի Մարրուհյան վարժարանում, ապա կատարելով ճարտարապետական սիստեմատիկ կրթություն ստանալու մասին իր հոր ցանկությունը՝ ընդունվում է Կ. Պոլսի Գեղարվեստից վարժարանի ճարտարապետական բաժինը և սովորում այն տարիներին, երբ միևնույն կրթական ոջախում ուսանում էր հետագայում անվանի գիտնական Թորոս Թորամանյանը: Որպես ճարտարապետ կյանք մտնելով, նա մի կարճ ժամանակ աշխատակցում է իր հորը Կ. Պոլսի «ոսկերիչների շարքի» շենքերի վերակառուցման գործում: Վերահաս ղեկավարը (հատկապես 1894—1896 թթ. հայկական ջարդերը) պատճառ են դառնում հայերի զանգվածային արտագաղթի: Պալի Պալյանն իր որդուն ևս ստիպում է թողնել Կ. Պոլիսը և գաղթել սկզբում էվրինե, ապա Բուլղարիա: Այստեղ նա աշխատում է շուրջ հինգ տարի: Բուլղարիայում իրականացված նրա գործերից հիշատակելի է Անժանոթ զինվորի կոթողը՝ Ռուսե քաղաքում, որի նախագծման համար հայտարարված մրցույթում իր ներկայացրած նախագիծը հավանություն էր ստացել:

1908 թ. ընտանիքով ուղևորվելով դեպի Արդենտինա, ճանապարհին ժամանակավորապես մտադրվում է կանգ առնել Եզդիպատոսում⁶, ուր, սակայն, հաստատվում է վերջնականապես: Այստեղ նա ապրում և ստեղծագործում է մինչև իր բեղմնավոր կյանքի վերջը, ավելի քան կես դար:



Սկզբնական շրջանում աշխատակցելով խտիվ Արթուր Հիլֆի ճարտարապետ Ֆաբրիցիուսին, նախագծում և Կահիրեի կենտրոնական էմադ էլ Դին փողոցում կառուցում է չորս մեծ շենքեր, որոնք «եստիվի շենքեր» անունն են կրում: Այնուհետև Կարո Պալյանը հաջորդաբար նախագծում ու կառուցում է Ֆլեորանի շենքը էմադ էլ Դին փողոցում և երկու ուրիշ շենքեր: Հետագա տարիներին ստեղծում է նախագծման իր գրասենյակը և աշխատում ինքնուրույն կերպով: Այստեղ էլ անցնում է նրա ստեղծագործական կյանքի առավել արդասավոր

⁵ Կարո Պալյանի ստեղծագործական կենսագրությունը կազմված է «Արև» թերթում լույս տեսած (տարին, ամիսը և ամսաթիվը չունենք, անտարակույս իր մահվանից՝ 1960 թ. հետո) Արշակ Ալույաճյանի «Անհետացող ղեմեր. Կարո Պալյան» հոդվածի, ինչպես նաև իր որդու՝ Հրազդան Պալյանի կողմից կազմված անտիպ կենսագրության հիման վրա: Ճարտարապետ Հրազդան Պալյանի ստեղծագործական կենսագրությունը կազմելիս հիմնականում օգտագործել ենք «Ժաշակիր» թերթի 1965 թ. փետրվարի 4-ի և 11-ի համարներում լույս տեսած Վ. Ասրանազի «Հրազդան Պալի Պալյան» հոդվածը և այլ նյութեր: Վերահիշյալ նյութերը, ինչպես նաև Հ. Պալյանին վերաբերող մի շարք այլ տեղեկություններ մեզ տրամադրել է Լեւոն Նարեկ տիկ. Հայկանուշ Հովհաննիսյանը, որի համար հայտնում ենք խորին շնորհակալություն:

⁶ Եզդիպատոսում հաստատվելու այս տարեթիվը բերված է ըստ որդու կազմած կենսագրության տվյալների: Արշակ Ալույաճյանի հիշատակված հոդվածում նշվում է 1901 թ. (որն ավելի ճիշտ է թվում):



Ավետման եկեղեցին



Արիզյան Հանգստյան տունը (վերևում)
և Ազոպին առաջնորդատունը

շրջանը, որի ընթացքում նախագծում և կառուցում է բազմաթիվ ու բազմա-
րեսուլթ խոշոր շենքեր:

Վերը հիշատակվածներից բացի ճարտարապետ Կարո Պալյանի նախա-
դներով բավականաչափ շենքեր են կառուցվել Եղիսյանհայ գաղթավայրի հա-
մար Կահիրեում և Կիպրոսում: Դրանց թվին են պատկանում՝

- Մելրոնյան հաստատության դպրոցական շենքերի համալիրը Կիպրոսում (1924—1925),
- Հայ կաթողիկե Ավետման եկեղեցին և առաջնորդարանը Կահիրեում (1926),
- Հայ կաթողիկեական ս. Թերեզա եկեղեցին Հելիոպոլիս արվարձանում (1930),
- Մխիթարյան վարժարանի շենքը Կահիրեի Տարսի էլ Կենիա թաղում (1935),
- Մատուռ Զավադիկ քաղաքում,
- Քելեկյան որրանոցի շենքերը Դոբլ-Յոլում:

Դրանցից բացի, նրա նախագծերով կառուցվել են՝

- Էքսթադեյ հյուրանոցը իր հեռագրատնով, Կահիրեի Հուլիսի 23-ի փողոցում,
- Էր-Ֆրանսի շենքը Սուլիման փաշայի փողոցում,
- Եւմյա հայտնի վաճառատունը, Նույնպես Հուլիսի 23-ի փողոցում,
- Սիկյուրեյ հայտնի ու մեծ վաճառատունը Նույն փողոցում,
- Մաթոսյանին պատկանող ծխախոտի գործարանի շենքը Գիզե թաղում⁸,
- Կամսարականներին պատկանող ծխախոտի գործարանը Կահիրեի մոտակայքում գանվող
Զավադիկ քաղաքում,
- Հովհաննես Բեյ Մաթոսյանի մենատունը Ալեքսանդրիա քաղաքի Զիզինիա թաղամասում,
- Կարապետ Մաթոսյանի մենատունը Կահիրեում, Սուլիման փաշա փողոցում,
- Մաթոսյան ծխախոտի գործարանի տնօրեն Մասրաֆի մենատունը Դիզեում,
- Պոնթեմոլի կահույքագործի շենքը Կահիրեում Սուլիման փաշայի փողոցում և Նույն
անձին պատկանող երկու այլ շենքեր Բուսթան և Դարամալլի փողոցներում,
- Ֆարուք Ա թագավորի զարմիկ իշխան Ամր Իրահիմի որդու արարած պալատը Զա-
մալիբի թաղում,
- Թահեր փաշայի արարած դամբարանը հին Կահիրեի մոտ գտնվող խալիֆաների գերեզ-
մանատանը,
- Նշան Յադուբյանի բազմահարկ շենքը Սուլիման փաշա փողոցում:

Պրակտիկ գործունեությունից բացի Կարո Պալյանը զբաղվել է դիտական
հետազոտությամբ ճարտարապետության ասպարեզում, բազմաթիվ հոդված-
ներով սոցիալականացել լրագրերին, պարբերականներին, օրացույցներին: Նրա
հեղինակությամբ հրատարակված են երկու կարևոր աշխատություններ: Դրան-
ցից առաջինը, որ «Դեսլի լույս» անունն է կրում, նվիրված է դպրոցական շեն-
քերի ուսումնասիրությանը: Առավել հանրահայտը նրա «Եղիսյան և արաբա-
կան ճարտարապետությունը» (Կահիրե, 1916) աշխատությունն է: Ծավալուն
այս գրքում (253 էջ, շուրջ 90 նկարներ, այդ թվում՝ դժադրեր ու հատակադներ)
տրվում է արաբական ճարտարապետության կազմավորման ու զարգացման
հանգամանակից պատմությունը՝ սկսած խալիֆաթի առաջացման ժամանակ-
ներից մինչև XIX դարի վերջը, մեծ հմտությամբ ու քաջատեղյակությամբ բնու-
թյանը և զարգացման առանձին փուլերը, կարևորագույն հուշարձանները:

⁷ 1923 թ. տեղի ունեցած հրդեհի ժամանակ վնասված Սիկյուրեյ վաճառատունը վերա-
կառուցվել է Կ. Պալյանի կողմից, իսկ 1937 թ. նրա որդի Հրազդան Պալյանը արդիական ոճով
վերակառուցել է շենքի հակասար:

⁸ Այս շենքը 1958 թ. քանդվում է և նրա տեղում Հրազդան Պալյանի նախագծով կա-
ռուցվում են հինգ նոր շենքեր:

Ճարտարապետ Կարո Պալյանը Եղիպտոսում հանրածանոթ դարձավ ոչ միայն իր մասնագիտական գործունեությամբ, նա միաժամանակ գաղթավայրի նշանավոր հասարակական գործիչներից էր: «Կարո Պալյանը, — գրում է հիշատակված հոգևածու Արշակ Ալպոյաճյանը, — միշտ շահադրդովածություն ունեցած է ազգային-հասարակական կյանքին նկատմամբ: և անոր բերած է իր մասնակցությունը՝ անդամակցելով Ազգային Առաջնորդարանի ժողովներուն, մասնավորապես իբրև Երեսօրհան Թեմականի, մասնակցած և վարած է Գալուստյան վարժարանի հոգաբարձությունը և Եղիպտոսի հանձնաժողովին ատենապետությունները»։ Նրա տունը Կահիրեի հայ մտավորականության սիրված հավաքավայրն էր: Պալյան ամուսինների բնտանիքում, Երաժշտության, դրականության ու արվեստի սիրողների միջուկը, հաճախ ժամանցի էին հավաքվում գաղթավայրի նշանավոր դեմքերը՝ պատմաբան Արշակ Ալպոյաճյանը, Երզնկացի Արմենակ Շահմուրադյանը և ուրիշներ:

Այսպիսով, ճարտարապետ Կարո Պալյանը մեկն էր Եղիպտահայ գաղթավայրի գործիչներից, որը դարիս առաջին կեսի բնակացումը գալի ներդրում կատարեց գաղթավայրի շենագման ուղղությամբ մղված ջանքերում, նույն ոգով դաստիարակելով իր որդուն՝ ճարտարապետ Հրազդան Պալյանին:

Ճարտարապետ Հրազդան Պալյանը ծնվել է Կահիրեում 1913 թ. հունվարի 30-ին: Միջնակարգ կրթությունը ստացել է տեղի Գալուստյան ազգային վարժարանում, ապա՝ Ֆրանսիական լիցեյում, երկու տեղում էլ ցուցաբերելով բարձր առաջադիմություն:

Ճարտարապետական կրթությունը ստանալու համար 1932 թ. հայրը նրան ուղարկում է Փարիզ: Սովորելով Ֆրանսիայի հռչակավոր Գեղարվեստի ազգային բարձրագույն դպրոցում (L'école Nationale Supérieure des Beaux Arts de Paris), Հրազդան Պալյանը ալյստեղ ևս իրեն դրսևորում է որպես ուշիմ և ջանասեր, մեծ քննունակություններով օժտված ուսանող: Այդ մասին են վկայում ուսումնառության տարիներին նրա ստացած 18 մրցանակները, որոնցից 7-ը՝ ճարտարապետական առաջադրանքների կատարման համար: 1937 թ. փետրվարին նա ուղևորվում է իր դիպլոմային նախադիժը՝ թեմա ունենալով վանքի մի համալիր Կիպրոսում:

Ճարտարապետի դիպլոմով ու Ֆրանսիայի ճարտարապետների միության արձաթիվ մեղալին արժանացած (1937 թ.) Հրազդան Պալյանը ստեղծագործական կյանք է մտնում՝ առաջին իսկ աշխատանքներում ունենալով փայլուն հաջողություն: Այդ հաջողությունները նրան ուղեկցում էին ուսանողական տարիներից, երբ իր դասընկեր՝ բելգիացի Ռոբեր Ստոկենի հետ մշակած Անտվերպենի թաղական վարժարանի շենքի նախադիժը հավանություն ստացավ և իրականացվեց: Այնուհետև, անգլիացի ճարտարապետ Ստենլի Վերերի հետ միասին մասնակցում է Գուրլինի բաղադաստարանի ջրային բաժնի համար շենքի նախագծելու նպատակով հայտարարված մրցույթին և արժանանում գրամական մրցանակի:

1937 թ. Հ. Պալյանը վերադառնում է Կահիրե և ալյստեղ ծավալում իր հետագա գործունեությունը: Հաջորդ տարին նա հոր ղեկավարությամբ իրականացնում է նախապատերազմյան տարիներին հոր նախագծերով կառուցված մի քանի շենքերի (Սիկյուրեյի վաճառատան, «Հոթել դը Ռոզ»-ի և «Շել»

ընկերության լողավազանի ու հարակից շինությունների) վերակառուցումը՝ ճարտարապետական առումով արդիականացնելու նպատակով:

Բեղմնավոր է եղել տաղանդաշատ ճարտարապետի ստեղծագործությունը հետպատերազմյան տարիներին. այն ընթացել է բազմազան ու բազմապիսի շենքեր նախագծելով ու կառուցելով ինչպես Եզիպտոսում, այնպես էլ նրա սահմաններից դուրս: Դրանցում Հրազդան Պալլանը զբաղվել է իրեն որպես արդի ճարտարապետության խնդիրները լավ ըմբռնած, շինարվեստի նոր հնարավորությունները լայնորեն կիրառող բարձր մակարդակի վրա կանգնած մի ճարտարապետ: 1946—1964 թթ. նա նախագծում և կառուցում է մեծ թվով շենքեր: Առանց նկատի ունենալու Կահիրեում և Ալեքսանդրիայում կառուցած բազմաթիվ մենատները, ստորև ժամանակագրական կարգով տալիս ենք դրանց ցուցակը.

1946 թ.— Ֆրանս-եգիպտական երկսեռ և գիշերօթիկ վարժարանի շենքերի խումբը,

1947 թ.— Եզիպտացի 12 ճարտարապետների թվում մասնակցություն հրեական Աշքենապի տաճարի նախագծման մրցույթին (առաջին մրցանակ), «Օրյուս» յոթ հարկանի շենքի նախագծումն ու կառուցումը Ջամալբում, «Էր Պոն» էլեկտրական ընկերության աշխատանոցներն ու պահեստները Բոդ էլ Ֆաբակի թաղամասում և գրասենյակները՝ Կաուատ Հոսնի փողոցում,

1948 թ.— «Էր Պոն» ընկերության տասներեք հարկանի շենքը Նեյոսի ափին (ճարտ. Անտուան Նահասի հեղինակակցությամբ): Նույն թվականին մասնակցելով Ագիս-Աբերայում եթովպական ազգային ուժով կառուցվելիք արքայական պալատի նախագծման միջազգային մրցույթին, արժանանում է «Պատվո հիշատակության» խրախուսական մրցանակին: 1948 թ. նախագծել և կառուցել է նաև ապահովագրական «Յունիոն Վի» ընկերության 16 հարկանի շենքը Ջամալբում, Նեյոսի ափին,

1948—1949 թթ. Գարդն Սիթի թաղամասում կառուցում է «Իզիս» և «Օդիթ» շենքերը՝ քրաքանչյուրը ութհարկանի և կանաչապատված տանիքով,

1949 թ.— Սինեմա ռադիոյի դահլիճը և նրան կից խանութների և գրասենյակների շենքը,

1950 թ.— Սուեզի ջրանցքի ընկերության վարչական շենքը Գարդն Սիթի թաղամասում (որի համար հեղինակն արժանանում է Ֆրանսիացի անվանի ճարտարապետների բարձր պնահատանքին),

1951 թ.— Նույն ընկերության երկու բարձրաստիճան պաշտոնյաների մենատներ և նրանց կից ընդունելությունների տան ներքին ձևավորումը, ինչպես նաև Անադարտ հյուսիսյան հայ բույրերի վարժարանը Հելիոպոլսում,

1953 թ.— «Յունիոն Վի» 10 հարկանի շենքը Կաուատ Հոսնի փողոցում (շենքի աստիճանաձև վերջին 5 հարկերի կտուրները կանաչապատված են),

1954 թ.— «Լանդ Բիլդինգ» ընկերության հանձնարարությամբ Ալեքսանդրիայի Մամուտայի արվարձանի գլխավոր հատակագծի մշակումը, որը ավարտվեց 6 ամսվա ընթացքում ու ներկայացվեց կառավարության հաստատմանը (իրականացումը շարունակվում է),

1955 թ.— Ֆրանսիական հիվանդանոցին կից ծննդատան և վիրաբուժարանի մասնաշենքերը (որոնց բացման առթիվ հեղինակն արժանացել է ֆրանսիական կառավարության պաշտոնական ներկայացուցիչների պնահատանքին), «Հայտուն» բազմահարկ շինությունը (որում տեղավորված են «Արև» օրաթերթի տպարանն ու խմբագրատունը և Գեղարվեստասիրաց միության դահլիճը),

1956 թ.— Թեյմուր բանաստեղծի ութհարկանի շենքը Ջամալբում, «Շել» ընկերության բենդինի հետազոտության փորձառական վարժարանի շենքը նույն ընկերությանը պատկանող մարդագաշտում: Առաջին մրցանակ (արար երկու ճարտարապետների զործակցությամբ) էր-Իֆադ մայրաքաղաքում կառուցվելիք արաբական խոշոր համալսարանի և համալսարանական քաղաքի նախագծման համար հայտարարված միջազգային մրցույթում (կառույցը չի իրականացված),

1957 թ.— Առաջին մրցանակ (ճարտ. Ֆրեսկոյի հետ) Ինֆիքիե մարմնամարդական ակումբի նախագծման մրցույթում (կառույցը չի իրականացված),

1958 թ. — Գիղեի ծխախոտի գործարանի և հարակից (նախկինում Մաթոսյան հաստատությունը պատկանող և իր հոր՝ Կ. Պալյանի նախագծերով կառուցված) շենքերի վերակառուցումը և նոր մասերի հավելում: Նույն թվականին է վերաբերում նույնպես ազգային վարժարանի շենքը, որի նախագիծը (ինչպես նաև ազգապատկան մի շարք ուրիշ շենքերի՝ Գալստյան ազգային մանկապարտեզինը՝ Շուպրայում, Արզարյան հիվանդանոցինը՝ Առաջնորդարանին կից, Գալստյան ազգային վարժարանի նոր շենքը և այլն), կատարել է անվճար:

1959 թ. — Վիեննայի Մխիթարյան միաբանության վարժարանի շենքը Հելիոպոլսում: Այդ թվականին արար երկու ճարտարապետների գործակցությամբ մասնակցել է Կահիրեի Հելուանի արվարձանում կառուցվելիք արվեստարանության վարժարանի շենքի նախագծման համար հայտարարված մրցույթին (երկրորդ մրցանակ),

1960 թ. — Մասնակցություն սովետական մասնագետների ուժերով քիմիական (ղեկորային) մեծ գործարանի նախագծման և հատակագծման աշխատանքներին, որի համար գործարանի անդիսավոր բացման օրը (1964 թ. մայիսի 14) ստանում է Արարական Միացյալ Հանրապետության Բարձրագույն պարգևը՝ Առաջին կարգի շքանշանը՝ Վերելի առաջադիմության գործում ունեցած ներդրման կապակցությամբ:

1961 թ. — Էլեկտրական սառնարանների և կոնդիցիոներների թիղևալս ընկերության մեծ գործարանի նախագիծը, որը նույն թվականից սկսել է իրականացվել:

Հետագա տարիներին⁹ Հրազդան Պալյանի նախագծերով կառուցվում են «Իսթերն» ծխախոտի գործարանի պահեստային ու գրասենյակային շենքերն Ալեքսանդրիայում, «Սալոնիկա» ծխախոտի գործարանի լրացուցիչ շենքերը, գրասենյակները, հիվանդանոցը, աշխատանոցները, պահեստները և այլն:

Նրա մշակած նախագծերի թվին են պատկանում նաև Հիմմորում (Գիղեի արվարձանում) կառուցվելիք թղթի և խավաքարտի պահեստների, Շուպրայի մեջ կառուցվելիք «Իսթերն» ընկերության սիգարեթների մատակարարման գրասենյակի և պահեստների, նույն ընկերության 3-րդ գործարանի շենքերը, ինչպես նաև 15 հազ. տեղանոց մարզադաշտը՝ մեծ լողավազանով, ամառային ու ձմեռային թատրոններով և հարակից այլ շենքերով:

Հրազդան Պալյանի վերջին տարիների գործերի մասին որոշ տեղեկություններ ենք բաղում մի փաստաթղթից՝ տիկ. Հայկանուշ Հովհաննիսյանին (Նրեան) Կիպրոսից գրած նրա 1970 թ. ապրիլի 15 թվակիր նամակից: Ինչպես գրում է նամակում, 60-ական թվականների վերջում որոշ հանգամանքների բերումով նա 2 տարի աշխատել է Նիկոզիայում (Կիպրոսում), ստանձնելով շինարարական մի ընկերության ճարտարապետի և տնօրենի պաշտոնը: Այստեղ նրա նախագծով կառուցվել է ութհարկանի մի մեծ բնակելի տուն՝ գրասենյակներով ու խանութներով, երեք մենատներ, տուրիստական ընկերության տուն, ցուցադրական կենտրոն և այլն: Նույն նամակում հայտնում է, որ Կահիրեում ավարտին է մոտենում ծխախոտի մաքսատան խոշոր շենքը:

Հետևելով հոր օրինակին, Հրազդան Պալյանը նույնպես իր մասնագիտական աշխատանքը տարիներ շարունակ զուգակցել է հայրենանվեր հասարակական գործունեության հետ գաղթավայրի տարբեր կազմակերպություններում: Նա գործուն մասնակցություն է ցուցաբերում Կահիրեի թեմական և քաղաքական ժողովներում, անգամ է Հայ Բարեգործական Ընդհանուր Միության Սղիպտոսի կենտրոնական հանձնաժողովի: Հրազդան Պալյանը ջերմևաճանդ հայրենասեր է, Սովետական Հայաստանի անկեղծ բարեկամը: Նա հե-

⁹ Հրազդան Պալյանի գործերի մասին հոգվածում հիշատակված տեղեկությունները վերաբերում են մինչև 1965 թ. ժամանակամիջոցին:

տևում է բարգավաճող հայրենիքի բոլոր նվաճումներին, ուրախանում նրանցով:

Վերջում անհրաժեշտ ենք համարում նշել, որ Կահիրեի հայերի 1927—1970 թթ. շինարարական գործունեության վերաբերյալ վերևում բերված նյութերը պետք է լրացվեն Ալեքսանդրիայի հայկական գաղթօջախում կատարված կառուցումների վերաբերյալ նյութերով: Դրանով հնարավոր կդառնա ամբողջացնել Եգիպտոսյան գաղթավայրի տվյալ ժամանակահատվածի շինարարական գործունեության պատմությունը:

ИЗ ИСТОРИИ СТРОИТЕЛЬНОЙ ДЕЯТЕЛЬНОСТИ ЕГИПЕТСКОЙ АРМЯНСКОЙ КОЛОНИИ

Доктор архитектуры В. М. АРУТЮНЯН

(Резюме)

В настоящем сообщении приведены сведения о строительной деятельности в армянской колонии в Каире за 1927—1970 гг., а также данные о видных архитекторах Каро и Раздане Палянах.